

LONGICORNIA.

PRIONUS CORPULENTUS.

♀ magna, elongata, nigro-castanea, supra omnino coriacea vix nitida; thorace parvo, utrinque acute trispinoso; elytris versus basin parallelis, compressis, deinde modice dilatato-rotundatis, apice late obtusis; pectore toto dense fulvo-hirto; abdomine politissimo; antennis 12-articulatis, grosse punctatis, articulis 3^o-11^{um} serratis.

Long. 24 lin.

Murree.

HESPEROPHANES CRIBRICOLLIS.

Cylindricus, fulvus, pubescentia incumbente cinereo-fulva apud elytra maculatim vestitus; thorace rotundato, elytris multo angustiore, inaequali, lateribus medio subtuberoso, supra crebre alveolato-punctato; scutello cinereo; elytris omnino discrete punctatis, haud conspicue bicarinatis, apice gradatim angustatis, subacuminatis.

Long. 8-9 lin.

Murree.

TRINOPHYLUM, nov. gen.

Gen. Hesperophani affine, sed femoribus abrupte clavatis, oculisque minus fortiter granulatis. Corpus elongatum, subdepressum, breviter suberecte pubescens, crebre punctatum. Caput brevissimum: tubera antennifera haud elevata; palpis brevissimis. Thorax rotundatus, inermis. Elytra apice obtusa. Acetabula antica extus haud elongata. Prosternum angustum; mesosternum latum, subconvexum; metasterni episterna elongata, angusta, postice attenuata. Antennae filiformes, corpore paullo breviores, articulo 4^{to} paulo abbreviato.

TRINOPHYLUM CRIBRATUM.

Castaneo-fuscum, subnitidum, omnino suberecte fusco-pubescens, crebre sed discrete punctatum; thorace supra antice et postice paullo depresso, linea dorsali lævi; elytris lineis duabus indistinctis, lævibus.

Long. 6½ lin.

Murree.

LEPTURA RUBRIOLA.

L. sanguinolentæ (Linn.) affinis. Nigra, subtus sparsim fulvo-pilosa, thoracis plaga magna discoidea elytrisque rufo-opacis; capite et thorace reticulato-punctatis, illo paullo post oculos subito et fortiter constricto; thorace medio haud conspicue dilatato, modice convexo, angulisque posticis modice productis; elytris subcrebre punctulatis, apice recte truncatis, angulisque breviter dentatis. ♀.

Long. 6 lin.

Murree.